

REGLUGERÐ EVRÓPUÞINGSINS OG RÁÐSINS (EB) nr. 733/2002**2013/EES/28/59****frá 22. apríl 2002****um að taka í notkun .eu höfuðlénid (*)**

EVROÞUÞINGIÐ OG RÁÐ EVRÓPUSAMBANDSINS HABA,

með hliðsjón af stofnsáttmála Evrópubandalagsins, einkum 156. gr.,

með hliðsjón af tillögu framkvæmdastjórnarinnar ⁽¹⁾,

með hliðsjón af álitum efnahags- og félagsmálanefndarinnar ⁽²⁾,

að höfðu samráði við svæðanefndina,

í samræmi við málsmeðferðina sem mælt er fyrir um í 251. gr. sáttmálans ⁽³⁾,

og að teknu tilliti til eftirfarandi

- 1) Eitt af markmiðunum til að flýta fyrir rafrænni verslun í framtaksverkefnum rafrænni Evrópu, sem leiðtogaráðið lýsti yfir stuðningi við á fundi sínum í Lissabon 23. og 24. mars árið 2000, er að stofna .eu höfuðlénid.
- 2) Í orðsendingu framkvæmdastjórnarinnar til Evrópuþingsins og ráðsins um skipulag og stjórnun Netsins er vísað til stofnunar .eu höfuðlénisins og í ályktun ráðsins frá 3. október 2000 um skipulag og stjórnun Netsins ⁽⁴⁾ er framkvæmdastjórninni falið að hvetja til samræmingar á stefnum í tengslum við stjórnun Netsins.
- 3) Höfuðlén eru órjúfanlegur þáttur í innviðum Netsins. Þau eru nauðsynlegur þáttur í hnattrænu rekstrarsamhæfi veraldarvefsins („WWW“ eða „vefsins“). Tengingar og tilvist sem úthlutun lénsheita leyfir sem og tengd vefköng gera notendum kleift að finna tölvur og vefsetur á veraldarvefnum. Höfuðlén eru einnig órjúfanlegur þáttur í öllum tölvupóstköngum á Netinu.
- 4) Með .eu höfuðléninu skal stuðla að notkun og aðgangi að tenginetum Netsins og þeim sýndarmarkaði sem byggir á Netinu, í samræmi við 2. mgr. 154. gr. sátt

málans, með því að bæta viðbótarskráningarléni við landskóða landsbundinna höfuðléna (ccTLD) sem þegar eru til eða við hnattræna skráningu á almennum höfuðlénunum, og ætti í kjölfarið að auka möguleika og samkeppni.

- 5) Með .eu höfuðléninu skal bæta rekstrarsamhæfi sam-evrópskra neta, í samræmi við 154. og 155. gr. sáttmálans, með því að tryggja að nafnaþjónar séu tiltækir innan Bandalagsins. Þetta mun hafa áhrif á netskipan og tæknilega innviði Netsins í Evrópu sem mun njóta góðs af viðbótarnafnaþjónum í Bandalaginu.
- 6) Með .eu höfuðléninu ætti innri markaðurinn að verða sýnilegri á þeim sýndarmarkaði sem byggir á Netinu. Með .eu höfuðléninu skal verða til tenging á milli Bandalagsins, tengds lagamma og evrópska markaðarins. Það skal gera fyrirtækjum, samtökum og einstaklingum innan Bandalagsins kleift að skrá sig undir sérstöku léni sem gerir þessa tengingu augljósa. Sem slíkt verður .eu höfuðlénid þá ekki aðeins hornsteinn rafrænnar verslunar í Evrópu heldur stuðlar það einnig að því að ná markmiðum 14. gr. sáttmálans.
- 7) Með .eu höfuðléninu er hægt að flýta fyrir ávinningi af upplýsingasamfélaginu í Evrópu í heild sinni, það getur gegnt hlutverki í aðlögun aðildarríkja að Evrópusambandinu í framtíðinni og hjálpað til við að berjast gegn því að stafræn gjá myndist á milli nágrannarríkja. Því má gera ráð fyrir að reglugerð þessi muni einnig ná til Evrópska efnahagssvæðisins og að leitast verði eftir breytingum á núverandi fyrirkomulagi á milli Evrópusambandsins og þriðju landa innan Evrópu, með það í huga að taka tillit til krafna .eu höfuðlénisins þannig að einingar innan þessara landa geti tekið það upp.
- 8) Reglugerð þessi hefur ekki áhrif á lög Bandalagsins um vernd persónuupplýsinga. Reglugerð þessi skal framkvæmd í samræmi við meginreglur varðandi friðhelgi einkalífsins og vernd persónuupplýsinga.

(*) Þessi EB-gerð birtist í Stjtið. ESB L 113, 30.4.2002, bls. 1. Hennar var getið í ákvörðun sameiginlegu EES-nefndarinnar nr. 85/2013 frá 3. maí 2013 um breytingu á XI. viðauka (Fjarskiptaþjónusta) við EES-samninginn, biður birtingar.

⁽¹⁾ Stjtið. EB C 96 E, 27.3.2001, bls. 333.

⁽²⁾ Stjtið. ESB C 155, 29.5.2001, bls. 10.

⁽³⁾ Álit Evrópuþingsins frá 4. júlí 2001 (Stjtið. EB C 65 E, 14.3.2002, bls. 147), sameiginleg afstaða ráðsins frá 6. nóvember 2001 (Stjtið. ESB C 45 E, 19.2.2002, bls. 53) og ákvörðun Evrópuþingsins frá 28. febrúar 2002 (hefur enn ekki verið birt í Stjórnartíðindunum). Ákvörðun ráðsins frá 25. mars 2002.

⁽⁴⁾ Stjtið. ESB C 293, 14.10.2000, bls. 3.

- 9) Stjórnun Netsins hefur almennt byggt á meginreglum um að hún sé án íhlutunar og að í henni felist sjálfstýring og sjálfseftirlit. Eftir því sem unnt er og án þess að hafa áhrif á lög Bandalagsins skulu þessar meginreglur einnig eiga við um landskóða .eu höfuðlénsins. Þegar .eu höfuðlénið er tekið í notkun er heimilt að taka tillit til bestu starfsvenja hvað þetta varðar og styðjast við frjálsar viðmiðunarreglur eða siðareglur, eftir því sem við á.
- 10) Með því að stofna .eu höfuðlénið er stuðlað að kynningu á ímynd Evrópusambandsins á hnattrænum upplýsinganetum og heitakerfi á Netinu veitt aukid vægi, til viðbótar við landsbundna landskóða höfuðléna.
- 11) Markmið með þessari reglugerð er að koma á skilyrðum fyrir því að taka í notkun .eu höfuðlénið, að kveða á um tilnefningu skráningarstofu og að koma á ramma um almenna stefnu sem skráningarstofan starfar innan. Reglugerðin nær ekki yfir landskóða landsbundinna höfuðléna.
- 12) Skráningarstofan er sú eining sem fer með skipulag, stjórnsýslu og stjórnun á .eu höfuðléninu, þ.m.t. skipulag samsvarandi gagnagrunna og tengdrar opinberar leitarþjónustu, faggildingu skráningaryfirvalda, skráningu lénsheita sem faggilt skráningaryfirvöld sækja um, rekstur nafnaþjóna fyrir höfuðlén og útbreiðslu á svæðisskrá höfuðléna. Opinber leitarþjónusta sem tengist höfuðléninu er kölluð „hver er (Who is)“ leitarþjónusta. Gagnagrunnar af tegundinni „hver er“ skulu vera í samræmi við lög Bandalagsins um gagnavernd og friðhelgi einkalífsins. Aðgangur að þessum gagnagrunnum veitir upplýsingar um handhafa lénsheitis og gegnir mikilvægu hlutverki í að auka traust notenda.
- 13) Eftir birtingu á auglýsingu eftir áhugasömum aðilum í Stjórnartíðindum Evrópubandalaganna skal framkvæmdastjórnin tilnefna skráningarstofu, á grundvelli valaðferðar sem er opin, gagnsæ og án mismununar. Framkvæmdastjórnin skal gera samning, með takmarkaðan gildistíma sem þó er hægt að framlengja, við völdu skráningarstofuna þar sem tilgreind verða skilyrðin sem henni eru sett varðandi skipulag, stjórnsýslu og stjórnun .eu höfuðlénsins.
- 14) Fyrir hönd Bandalagsins hefur framkvæmdastjórnin farið fram á úthlutun á EU-kóðanum í þeim tilgangi að búa til landsbundna landskóða höfuðléna á Netinu. Þann 25. september 2000 gáfu Netsamtök um úthlutað heiti og númer (ICANN-samtökin) út ályktun þar sem kveðið er á um að „tveggja stafa kóðum megi aðeins úthluta sem landslénnum ef stofnunin sem fer með eftirlit á ISO-staðli 3166 hefur skráð í sérstaka skrá sína yfir kóða sem búið er að taka frá að búið sé að taka frá kóðann, sem nær yfir alla beitingu á ISO-staðli 3166-1 sem þarf að kóða í nafni lands, yfirráðasvæðis eða svæðis sem um er að ræða“. Þessi skilyrði eru uppfyllt með EU-kóðanum og því má úthluta honum til Bandalagsins.
- 15) Sem stendur bera ICANN-samtökin ábyrgð á að samræma og úthluta kóðum fyrir landslén til skráningarstofa. Í ályktun ráðsins frá 3. október 2000 er hvatt til að teknar verði upp meginreglur sem eiga við um skráningarstofur fyrir landslén sem voru samþykktar af ráðgjafarnefnd stjórnvalda (GAC-nefndinni). Skráningarstofan skal gera samning við ICANN-samtökin þar sem meginreglur GAC-nefndarinnar eru virtar.
- 16) Með samþykkt opinberrar stefnu sem tekur á skráningu lénsheita sem gerðar eru í spákaupmennsku- og misnotkunarskyni er kveðið á um að handhafar eldri réttar, sem er viðurkenndur eða stofnað til samkvæmt landslögum eða lögum Bandalagsins eða opinberra aðila, muni njóta ávinnings á tilteknu tímabili („sólar-upprásartímabili (e. sunrise period“) þegar skráning lénsheita þeirra er frátekin sérstaklega fyrir slíka handhafa fyrri réttinda sem er viðurkenndur eða stofnað til samkvæmt landslögum eða lögum Bandalagsins eða opinberra aðila.
- 17) Ekki skal afturkalla lénsheiti með geðþóttaákvörðun. Hinsvegar má afturkalla lénsheiti, sérstaklega ef það stríðir bersýnilega gegn allsherjarreglu. Afturköllunarstefna skal þó kveða á um tímanlegt og skilvirkt fyrirkomulag.
- 18) Samþykkja skal reglur varðandi lénsheiti án handhafa (bona vacantia) til að taka á tilfellum þar sem skráning á lénsheiti er ekki endurnýjuð eða þar sem lénsheiti eru án handhafa t.d. vegna erfðalaga.
- 19) Nýja skráningarstofan fyrir .eu höfuðlén skal ekki hafa vald til að búa til undirlén með tveggja stafa kóða fyrir lönd.
- 20) Innan rammans sem komið er á með þessari reglugerð, reglum um opinbera stefnu varðandi að taka í notkun .eu höfuðlénið og hlutverk þess sem og stefnu um allsherjarreglur um skráningu skal taka ólíka möguleika til athugunar þegar skráningarstefnan er mótuð, þ.m.t. „fyrstir koma, fyrstir fá“.
- 21) Þegar vísað er til hagsmunaaðila skal kveða á um samráð sem einkum nær til opinberra yfirvalda, fyrirtækja, stofnana og einstaklinga. Skráningarstofunni er heimilt að stofna ráðgjafarnefnd til að skipuleggja slíkt samráð.

- 22) Samþykking skal ráðstafanir sem nauðsynlegar eru framkvæmd þessarar reglugerðar, þ.m.t. viðmiðanir fyrir valaðferð skráningarstofunnar, tilnefningu skráningarstofunnar, sem og samþykkt reglna um opinbera stefnu í samræmi við ákvörðun ráðsins 1999/468/EB frá 28. júní 1999 um reglur um meðferð framkvæmdavalds sem framkvæmdastjórninni er falið ⁽¹⁾.
- 23) Þar eð aðildarríkin geta ekki fyllilega náð markmiði fyrirhugaðra aðgerða, þ.e. að taka í notkun .eu höfuðlénin, og því verður betur náð á vettvangi Bandalagsins vegna þess hve aðgerðirnar eru umfangsmiklar og hafa víðtæk áhrif er Bandalaginu heimilt að samþykka ráðstafanir í samræmi við nálægðarregluna eins og kveðið er á um í 5. gr. sáttmálans. Í samræmi við meðalhófsregluna, eins og hún er sett fram í þeirri grein, er ekki gengið lengra en nauðsyn krefur í þessari reglugerð til að ná þessu markmiði.

SAMÞYKKT REGLUGERÐ ÞESSA:

1. gr.

Markmið og gildissvið

1. Markmiðið með þessari reglugerð er að taka í notkun landskóðann .eu fyrir .eu höfuðlénin innan Bandalagsins. Í reglugerðinni eru sett fram skilyrði fyrir því að taka það í notkun, þ.m.t. tilnefningu á skráningarstofu, og komið á fót almennum viðmiðunarramma sem skráningarstofan starfar innan.

2. Reglugerð þessi gildir með fyrirvara um fyrirkomulag aðildarríkja að því er varðar landsbundin höfuðlén.

2. gr.

Skilgreiningar

Í þessari reglugerð er merking eftirfarandi hugtaka sem hér segir:

- a) „Skráningarstofa“: eining sem falið er skipulag, stjórn-sýsla og stjórnun á .eu höfuðléninu, þ.m.t. skipulag samsvarendi gagnagrunna og tengdrar opinberar leitarþjónustu, skráning lénshéita, rekstur skráningarstofunnar fyrir lénshéiti, rekstur nafnþjóna skráningarstofu fyrir höfuðlén og útbreiðsla á svæðisskrám höfuðléna.
- b) „Skráningaryfirvald“: einstaklingur eða aðili sem veitir skráningaraðilum skráningarþjónustu lénshéita í gegnum samning við skráningarstofu.

3. gr.

Eiginleikar skráningarstofunnar

1. Framkvæmdastjórnin skal:

- a) ákveða viðmiðanir og málsmeðferð við tilnefningu skráningarstofu, í samræmi við málsmeðferðina sem um getur í 3. mgr. 6. gr.,

- b) tilnefna skráningarstofu, í samræmi við málsmeðferðina sem um getur í 2. mgr. 6. gr., eftir að hafa birt auglýsingu eftir áhugasömum aðilum í Stjórnartíðindum Evrópu-bandalaganna og eftir að hafa lokið málsmeðferð við slíka auglýsingu,

- c) gera samning, í samræmi við málsmeðferðina sem um getur í 2. mgr. 6. gr., sem tilgreinir skilyrðin sem framkvæmdastjórnin fer eftir við eftirlit með skipulagi, stjórn-sýslu og stjórnun skráningarstofunnar á .eu höfuðléninu. Samningurinn á milli framkvæmdastjórnarinnar og skráningarstofunnar skal hafa takmarkaðan gildistíma og það skal vera hægt að endurnýja hann.

Skráningarstofan má ekki taka við skráningum fyrr en skráningarstefnan er til staðar.

2. Skráningarstofan skal vera stofnun sem er ekki rekin í hagnaðarskyni og skal stofnuð í samræmi við lög aðildarríkis og hafa skráða skrifstofu sína, yfirstjórn og höfuðstöðvar innan Bandalagsins.

3. Með fyrirframsamþykki framkvæmdastjórnarinnar skal skráningarstofan gera viðeigandi samning sem kveður á um úthlutun landskóða .eu höfuðlénsins. Hvað þetta varðar skal taka tillit til viðeigandi meginreglna sem samþykktar hafa verið af ráðgjafarnefnd stjórnvalda.

4. Skráningarstofa .eu höfuðléns skal ekki sjálf fara með hlutverk skráningaryfirvalds.

4. gr.

Skyldur skráningarstofunnar

1. Skráningarstofan skal fara að reglum, stefnum og málsmeðferðarreglum sem mælt er fyrir um í reglugerð þessari og þeim samningum sem um getur í 3. gr. Skráningarstofan skal fara að gagnsæjum málsmeðferðarreglum sem eru án mismununar.

2. Skráningarstofan skal:

- a) skipuleggja, reka og stjórna .eu höfuðléninu í þágu almannahagsmuna og á grundvelli meginreglna um gæði, skilvirkni, áreiðanleika og aðgengi,
- b) skrá lénshéiti í .eu höfuðléninu í gegnum faggilt .eu skráningaryfirvöld eftir ósk þess efnis frá:
- i. fyrirtæki sem hefur skráða skrifstofu, yfirstjórn eða höfuðstöðvar innan Bandalagsins, eða
 - ii. stofnun með staðfestu innan Bandalagsins, með fyrirvara um beitingu landslaga, eða
 - iii. einstaklingi sem búsettur er innan Bandalagsins,
- c) innheimta gjöld sem tengjast beint þeim kostnaði sem stofnað er til,

- d) innleiða stefnu um samkomulag utan dómstóla vegna ágreinings byggðan á innheimtu kostnaðar og málsmeðferð til að greiða hratt úr ágreiningi á milli handhafa lénshéita, að því er varðar réttindi varðandi heiti sem fela í sér hugverkaréttindi, sem og ágreiningi að því er varðar einstakar ákvarðanir skráningarstofunnar. Stefnan skal samþykkt í samræmi við 1. mgr. 5. gr. og taka tillit til til-mæla Alþjóðahugverkastofnunarinnar. Stefnan skal kveða á um fullnægjandi málsmeðferðarrétt hlutadeigandi aðila og skal gilda með fyrirvara um dómsmál,

⁽¹⁾ Stjóð. EB L 184, 17.7.1999, bls. 23.

- e) samþykkja málsmeðferðarreglur fyrir faggildingu .eu skráningaryfirvalda, og framkvæma faggildinguna sem og að tryggja skilvirk og sanngjörn samkeppnisskilyrði milli .eu skráningaryfirvalda,
- f) tryggja heilleika gagnagrunna yfir lénsheiti.

5. gr.

Stefnurammi

1. Framkvæmdastjórnin skal hafa samráð við skráningarstofuna og fara að málsmeðferð sem um getur í 3. mgr. 6. gr. við samþykkt reglna um opinbera stefnu varðandi að taka .eu höfuðlénið í notkun og hlutverk þess og meginreglur opinberra stefna varðandi skráningu. Opinber stefna skal ná yfir:

- a) stefnu um samkomulag utan dómstóla vegna ágreinings,
- b) opinbera stefnu um skráningar lénsheita sem gerðar eru í spákaupmennsku- og misnotkunarskyni, þ.m.t. möguleika á áfangaskiptri skráningu lénsheita til að tryggja tímabundið viðeigandi möguleika handhafa eldri réttar, sem er viðurkenndur eða stofnað var til samkvæmt landslögum eða lögum Bandalagsins eða opinberra aðila, til að fá heiti sín skráð,
- c) stefnu um hugsanlega afturköllun lénsheita, þ.m.t. varðandi lénsheiti án handhafa,
- d) málefni er varða tungumál og landfræðileg hugtök,
- e) meðhöndlun hugverkaréttinda og annarra réttinda.

2. Innan þriggja mánaða frá því að reglugerð þessi öðlast gildi geta aðildarríki birt framkvæmdastjórninni og öðrum aðildarríkjum takmarkaðan lista með almennt viðurkenndum heitum yfir landfræðileg og/eða landfræðipólítísk hugtök sem hafa áhrif á stjórnmalalegt skipulag þeirra eða svæðaskiptingu, sem annað hvort:

- a) eru ekki skráð, eða
- b) eru aðeins skráð á undirléni samkvæmt reglum um opinbera stefnu.

Framkvæmdastjórnin skal án tafar tilkynna skrifstofunni um skrá yfir tilkynnt heiti sem slíkar viðmiðanir gilda um. Framkvæmdastjórnin skal birta þessa skrá á sama tíma og hún tilkynnir skrifstofunni um hana.

Ef aðildarríki eða framkvæmdastjórnin gerir athugasemd við atriði á tilkynntum lista, innan 30 daga frá birtingu hans, skal framkvæmdastjórnin grípa til ráðstafana til að ráða bót á stöðu mála, í samræmi við málsmeðferðina sem um getur í 3. mgr. 6. gr.

3. Skráningarstofan skal, áður en skráning hefst, samþykkja upphaflega skráningarstefnu fyrir .eu höfuðlénið í samráði við framkvæmdastjórnina og aðra hagsmunaaðila. Skráningar

stofan skal innleiða í skráningarstefnuna reglurnar um opinbera stefnu sem samþykktar voru skv. 1. mgr., að teknu tilliti til skrárinnar yfir undantekningar sem um getur í 2. mgr.

4. Framkvæmdastjórnin skal reglulega tilkynna nefndinni sem um getur í 6. gr. um þær aðgerðir sem um getur í 3. mgr. þessarar greinar.

6. gr.

Nefnd

1. Framkvæmdastjórnin skal njóta aðstoðar fjarskiptanefndarinnar sem komið var á fót skv. 1. mgr. 22. gr. tilskipunar Evrópuþingsins og ráðsins 2002/21/EB frá 7. mars 2002 um sameiginlegan regluramma um rafræn fjarskiptanet og -þjónustu (rammatilskipun) ⁽¹⁾. Þar til fjarskiptanefndin hefur verið stofnuð samkvæmt ákvörðun 1999/468/EB skal framkvæmdastjórnin njóta aðstoðar nefndar sem komið er á skv. 9. gr. tilskipunar ráðsins 90/387/EBE frá 28. júní 1990 um myndun innri markaðar fyrir fjarskiptaþjónustu með því að koma á frjálsum aðgangi að netum ⁽²⁾.

2. Þegar vísað er til þessarar málsgreinar gilda 3. og 7. gr. ákvörðunar 1999/468/EB, með hliðsjón af ákvæðum 8. gr. hennar.

3. Þegar vísað er til þessarar málsgreinar gilda 5. og 7. gr. ákvörðunar 1999/468/EB, með hliðsjón af ákvæðum 8. gr. hennar.

Fresturinn, sem mælt er fyrir um í 6. mgr. 5. gr. ákvörðunar 1999/468/EB, skal vera þrjú mánuðir.

4. Nefndin setur sér starfsreglur.

7. gr.

Áskilnaður réttinda

Bandalagið skal halda eftir réttindum varðandi .eu höfuðléni, einkum hugverkaréttindi og önnur réttindi gagnagrunna skráningarstofunnar, sem nauðsynleg eru framkvæmd þessarar reglugerðar og réttindum til að endurtilnefna skráningarstofuna.

8. gr.

Framkvæmdarskýrsla

Ári eftir að reglugerð þessi er samþykkt skal framkvæmdastjórnin leggja skýrslu fyrir Evrópuþingið og ráðið, um hvernig gekk að taka í notkun, skilvirkni og hlutverk .eu höfuðléna, og upp frá því á tveggja ára fresti.

⁽¹⁾ Stjtið. EB L 108, 24.4.2002, bls. 33.

⁽²⁾ Stjtið. ESB L 192, 24.7.1990, bls. 1. Tilskipuninni var síðast breytt með tilskipun Evrópuþingsins og ráðsins 97/51/EB (Stjtið. EB L 295, 29.10.1997, bls. 23).

9. gr.

Gildistaka

Reglugerð þessi öðlast gildi á þeim degi sem hún birtist í *Stjórnartíðindum Evrópubandalaganna*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Lúxemborg 22. apríl 2002.

Fyrir hönd Evrópuþingsins,

P. COX

forseti.

Fyrir hönd ráðsins,

M. Arias CAÑETE

forseti.
